

坤德觸陰陽禁忌日月神明罪目惡緣無邊無量非憑懺謝莫遂原除伏聞南宮為陽德之司生成萬物北極為裁成之府主制羣靈生死吉凶咸歸統錄除災解厄實賴聖慈是敢披啓丹心皈依玄象虔伸熙祝上叩專靈布心於靜境之中露懇於清壇之下伏冀司命司錄六官垂憫濟之恩天輔天關七聖降慈悲之澤三雲命駕俯降塵寰八道疑光曲臨醮席命真僚而錫祐聞巨貺以延祥特為某上消天災下禳地禍除五星九宮八卦併沖之厄解五緯三元凶星暗曜之災十神免臨照之虞元命息刑妨之害宥宅神之譴責破鬼賊之憑凌六甲五行不罹衰敗支干官微無致衝妨剪妖魔蠱毒之侵傷絕惡鬼凶人之謀議三官玉帝之府訟速原消先亡近逝之魂考延解釋託廕七星之下儲祥六紀之司福善雲臻災凶霧散六情所犯三業所為萬咎千愆並蒙原貸神明護佑真炁降流保其微脆之姿克享堅剛之壽上明天尊大慈之澤下副臣等皈嚮之誠謹啓以

聞

十二願

復爐

謹攝香官使者左右龍虎君侍香諸靈官當令臣向來靜夜行道之所自然生金液丹碧

芝英百靈聚真交會在此香火爐前當願十方仙童玉女接侍蘭煙傳巨向來所啓之誠

連達徑御

至真無極大道

昊天玉皇上帝御前

出堂頌 出戶

道門科範大全集卷之五十二

道門科範大全集卷之五十三五十四同卷 啓四

廣成先生杜光庭制定

南北二斗同醮儀

設醮行道

法事醮壇如式

各禮師存念如法

宣衛靈呪

五星列照煥明五方 水星却災 木德致昌

熒惑消禍 太白辟兵 鎮星四據 家園利耳

名刊玉簡 字錄帝房 乘颺散景 飛騰太空

出入冥無 遊宴十方 五雲得蓋 招神攝風

役使萬靈 上衛仙翁 和與道合真

鳴法鼓二十四通

無上三天玄元始三炁太上道君太上老君

召出巨身中三五功曹左右官使者左右捧

香驛龍騎吏侍香金童傳言散花玉女五帝

直符直日香官合三十六人出出者嚴裝顯

服冠帶垂纓關啓玄壇土地方域神真巨今

設醮行道謹奉為入意其諸誠悃已錄告聞

願得

太上十方正真道炁靈寶瑞光下降流入臣身中令臣所啓速達徑御

至真無極大道

昊天玉皇上帝御前

請稱法位

具位臣其與闔壇眾官等謹同誠上啓

虛无自然元始天尊太上大道君太上老君

昊天玉皇上帝九皇上真十方已得道天聖

眾至真諸君丈人三十六部尊經玄中大法

師圓穹玄象日月星辰北斗尊帝七元輔弼

星君南極大帝丈人司馬六司星君本命元

辰洞天海嶽三界官屬一切真靈臣伏聞上

極無上大羅彌覆於諸天玄之又玄洪造實

根於元氣震三辰而垂象尊紫極以御圖四

布于方七政網維於南斗西揭之柄九元喉

舌於上天仰幹乾樞俯包地紀經傳玉局稱

兩極之同科史驗銅儀觀周天之有度凡圓

首方趾之肖像皆南陽北坎之降神敢不皈

依冀回恩既奉道基冥心壇靖凝眸經躔潔

荷羞乳饌之蒸淪火棗雲腴之薦九微騰焰

百末飛煙有嚴秩秩之延行降飄飄之駕伏願九扇洞開於闔闔十方悉下於輪輿鶴蓋成陰扈和鑾而有節霓旌啓道森儀仗以無諱俯臨圭潔之場曲副翹勤之請臣與醮官闔壇眾等不任激切延請之至誠惶誠恐稽首拜奉迎聖駕

降真 獻茶 初獻 散花

具位臣其虔誠上啓

九清上聖十極高真北斗尊帝七元輔弼星

君斗中真宰臣聞元氣無形斗杓於焉斟酌

周天有度玉衡所以幹旋建四時而成歲功

均五材而握民命六度下降自天子而達庶

人一年運行起漢津而終營室有尊帝以主

仙道運輔弼而佐斗功刑德生殺之相參官

祿壽富之攸繫虛心以存則可禦邪而敵害

按法而步端能招真以致仙魏魏神功紀贊

莫盡奉道基託迹光明之下偷安臨照之中

清夜沈寥仰光芒而肅敬浮生膠擾於香火

之缺連致於欲壽而康遇災知懼許巫伸於

醮告爰恭啓於壇儀敬按金科輒伸懇請臣既承詞悃敢不上聞

宣詞

按如詞言丹誠懇切諒徹九重之聽不違片善之微若弟子某等身官滯塞氣本休囚憂

致寇於陰陽欲全生於覆載者請貪狼太星

君為保護之若命元驕蹇星度刑妨欲去危

而即安求轉禍而為福者請巨門元星君為

消解之若彈冠願任干祿代耕問官海之要

津躡天朝之華貴者請祿存真星君為遷運

之若福基不厚產殖未饒於義利之交與願

富仁之兼美者請文曲紐星君為增注之若

行全儒素藝絕詞華期志在崇高之美得身

膺寵擢之榮者請廉貞綱星君顯佑之若順

考壽曆欲致者年圖安以遺後昆好德而全

五福者請武曲紀星君為延益之若嗣息未

蕃室家多難思保松蘿之固更延瓜瓞之綿

者請破軍關星君為全護之乞使某等志願

感通真靈降接萬願咸遂眾善興修臣與闔

壇眾等不任所請之至再誦大聖北斗都管

吉祥呪曰北斗九晨天中大聖上朝金闕下  
覆崑崙調理網紀統制乾坤大魁貪狼巨門  
祿存文曲廉貞武曲破軍高上玉皇紫微帝  
君大周天界細入微塵何災不滅何福不臻  
元皇正炁來合我身天罡所指晝夜長輪俗  
居小人好道求寧願見尊儀永保長生三台  
虛精六溥曲生生我養我護我身形臣等稽  
首致恭謹陳臣獻

散花

具位臣某謹虔誠上啓

九清至尊十方上聖南斗大帝丈人司馬六  
司星君斗中真宰臣聞日宮至陽之精發軔  
於左界南斗列星之紀宣精於河源謂準日  
以生成雖稱南而在北漢津黼黻專賢良命  
祿之司曆象樞機主將相府庭之事運會而  
靈圖正威明則君道典傳為璣度之元寔主  
生民之命傾心以請無願不從奉道臣等徒  
聞挹酒之言難接乘槎之武仰觀分野南北  
迷方俯建壇場坎离定位薦苾芬於縛坐佇  
盼鑒於煙霄有災有患之禳除延福延生之

散花

迓續奉道臣若命元誦薄祿氣單微者請天  
府司命君為增益之若黑錄著名青宮削籍  
者請天相司錄君為回改之若壽曆不修世  
途多梗者請天梁延壽君為延祐之若衛生  
乖和布算有限者請天同益算保生君為保  
全之若厄難相凌魂神不守者請天樞度厄  
鍊魂君為禳鎮之若生意蕭條事機糾逆者  
請天機上生君為啓迪之即使奉道臣對服  
寵靈導迎休證百祥紛委眾惡伏藏式昭感  
應之仁少付傾虔之請臣與眾等不任懇禱  
之至誦大聖南斗六星天紀延壽頌曰南斗  
六星天中宰臣上參元化七政攸遵下主揚  
州吳越斯分司命司錄將相儲精天梁天同  
壽算司明樞機之宿上天府庭津梁雲漢網  
紀乾文光耀明瑩君道清平掌理爵祿獲進  
臣鄰助天體道利物安人去留災福延促年  
齡傾心求請無願不成魂神澄正壽命增新  
光靈所被永享利貞臣弟子其命願得長生臣  
等稽首再拜致恭謹陳臣終獻

獻棗湯

具位臣某謹虔誠上啓

九清十極三景諸真北斗七元南宮六紀元  
辰本命海歡洞天地水陰靈虛空主宰三界  
應感一切真靈臣等輒冒瀆天之罪如陳類  
帝之壇玉局暫扶眾真侍座寶珠將入三獻  
畢陳龍鶴天仙促返玉京之駕鳥龜雲篆將  
騰青札之煙恐乖俯仰之儀自速幽明之謹  
睇回鑾而結戀負芒棘以消愆願賜哀憐特  
加寬貸一天星曜還次舍以有常三界仙班  
返玄靈而無迹神交如在目送何從惟知晨  
夜之仰瞻庶表初終之敬奉臣與闔壇眾等  
不任依慕激切之至誠惶誠恐稽首再拜以  
聞

十二願

復爐

謹攝香官使者左右龍虎君侍香諸靈官當  
令臣向來啓壇行道之所自然生金液丹碧  
芝英百靈眾真交會在此香火爐前當願十  
方仙童玉女接待蘭煙傳臣向來所啓之誠

速達徑御

至真無極大道

昊天玉皇上帝 御前

出堂頌 出戶

道門科範大全集卷之五十三

道門科範大全集卷之五十四

廣成先生杜光庭 制定

南北二斗同醮寶燈儀

靜夜行道

法事陞壇如式

念靜天地呪 洒水

具位 臣某等謹虔誠上啓

虛無自然元始天尊太上大道君太上老君

昊天玉皇上帝九皇上真十方已得道大聖

衆至真諸君丈人三十六部尊經玄中大法

師圓宮玄象日月星辰北斗尊帝七元輔弼

星君南極大帝丈人司馬六司星君本命元

辰洞天海嶽三界官屬一切真靈俯降燈壇

證明虔禱謹奉爲宣意其諸情悃已對敷宣

以令闕祝星燈請衆誦天尊聖號爲某等合

門眷屬解災解厄延福延生稽首皈依虔誠

讚詠

信禮無上大羅天星主紫微大帝

臣衆等至心皈命樞宮大聖貪狼陽明真

皇君斗中神仙和諸靈官

伏聞飛晨合景樞星掌劫會之權司政糾非

陽明主璇璣之運上宰九天之化中監五嶽

之靈下總人倫傍分品類定死生之有命鑒

善惡以無私以令某恭款芻心虔依妙範至

心皈命樞宮大聖貪狼陽明真皇君伏願回

光啓曜垂淵鑒於玄壇增祿延年注生名於

青簡稽首皈依虔誠讚詠

信禮高上紫微垣北斗第一貪狼星君

貪狼延生 回真四靈流輝下映 洞達玄冥

七元紀籍名列紫庭 保身續壽永享利貞

耳目開爽 魂魄長寧 願得長生

臣衆等至心皈命璇宮大聖巨門陰精真

皇君斗中神仙和諸靈官

伏聞星有五門俠三光而遠映門開四照合

萬氣以騰輝校天府之昇遷主兆民之祿壽

委質難逃於淵鑒通津寔類於明梁以令某

歲事瑤壇馳誠金闕至心皈命旋宮大聖巨

門陰精真皇君伏願身度千災命延百福天

開神宇氣襲真源碧簡題名固長年於劫石

丹臺紀籍增上昇於靈樞稽首皈依虔誠讚